

» Dr. Mustafa Jahić,
direktor Gazi Husrev-begove biblioteke u Sarajevu

Dnevnik

Od tuge i straha do radosti i ponosa

Subota, 11. januar

Katarska i bosanska soba

Pripreme za svečano otvaranje nove zgrade Gazi Husrev-begove biblioteke uveliko teku. Istovremeno se pripremaju „katarska soba“ u kojoj bi se najviše zvanice trebale kraće vrijeme zadržati prije početka glavne svečanosti, i „bosanska soba“ u koju bi iste zvanice svratile nakon završetka svečanosti otvaranja nove zgrade Biblioteke. Istovremeno se provjeravaju pripremljeni raspored redara i osiguranja. S obzirom na značaj manifestacije, posebnu pažnju posvećujemo kontaktima s medijima i u tom smislu pripremamo se i za konferenciju za novinare koja bi trebala biti održana u ponedjeljak. U večernjim satima očekujemo dolazak i ekipi iz Katara, koja će nam se pridružiti u završnim pripremama.

Nedjelja, 12. januar

Program svečanosti

Prije sastanka s ekipom iz Katara, gosp. Alijem i gosp. Mahirom imamo sastanak Organizacionog odbora na kome provjeravamo realizaciju dogovorenih aktivnosti. Na večeri u restoranu „Maroko“ uz ukusna jela arapske kuhinje s gospodom iz Katara izmjenjujemo informacije o realizaciji dogovorenih aktivnosti tokom njihove prethodne posjete Sarajevu. Na tome sastanku dogovorili smo okvirni program svečanosti, koji uključuje postavljanje velikih balona na zgradu Biblioteke i pripremanje „katarske sobe“ i „bosanske sobe“, direktni televizijski prijenos svečanosti i još nekoliko sitnijih detalja. Nakon večere obišli smo Biblioteku i do kasno u noć dogovarali se o svim detaljima programa.

Ponedjeljak, 13. januar

Svi smo 'na nogama'

Od jutarnjih sati svi smo „na nogama“. Vrše se finalne pripreme za svečanost. Angažiraju se redari, statisti, pomoćnici. Uređuje se prostor oko Biblioteke, popunjavaju prazni dućani u dvorištu Biblioteke domaćim zanatskim proizvodima. U prijepodnevnim satima imamo izuzetno posjećenu konferenciju za novinare na kojoj smo javnost upoznali sa značajem Biblioteke, tokom gradnje nove zgrade, donacijom Države Katar i programom svečanog otvaranja. U međuvremenu počela je stizati i ekipa iz Zagreba, odnosno Studija „Hrg“, koja, pored obezbjeđenja direktnog prijenosa svečanosti, ima određenu ulogu i u pripremama i realizaciji svečanog otvaranja Biblioteke. U popodnevnim satima imali smo sastanak s gospodom iz Katara, na kome smo provjerili da li je sve spremno za generalnu probu otvaranja koja treba biti održana narednog dana.

Utorak, 14. januar

Posljednje pripreme

Utorak je, dan prije svečanog otvaranja Biblioteke. Užurbano se već od jutarnjih sati dovršavaju posljednje pripreme za generalnu probu svečanog otvaranja. U Biblioteku stižu djeca iz mekteba „Jezero“ i KUD „Proleter“. Tu su, osim uposlenika Biblioteke, još redari, protokol i, naravno, gospoda Ali i Mahir iz Katara, tako da je proba mogla početi. Bojeći se kiše, koja se očekuje u srijedu, pripremamo i „plan b“ u slučaju da se dogodi promjena vremena. U popodnevnim satima stiže i glavna



Jahić:
Dobili smo jednu od najznačajnijih institucija kulture i nauke

delegacija iz Katara na čelu s ministrom vakufa i islamskih pitanja, ekselencijom Gajsom bin Mubarekom el-Kuvarijem. U hotelu Bristol imamo svečanu večeru koju je u čast gostiju iz Katara priredio reisu-l-ulema Husein ef. Kavazović. Nakon večere imao sam razgovor s katarskim novinarima i odmah nakon toga odlazim na Federalnu televiziju, gdje sam gostovao u 3. Dnevniku.

umor, ali i velika radost. U međuvremenu mnogi prijatelji i kolege zovu ili dolaze u Biblioteku da čestitaju na velikom događaju.

Mnogi građani također obilaze Biblioteku. Na lici ma svih njih osjeća se radost i ponos što smo dobili tako reprezentativan objekt u kome se smjestila jedna od najznačajnijih institucija kulture i nauke u našoj zemlji.

U međuvremenu imam i sastanak s delegacijom iz Turske koja, osim čestitki, predlaže i saradnju sa sličnim institucijama u Turskoj. Nakon njihove posjete dolazi i ekipa „Reutersa“ koja želi snimiti reportazu o Biblioteci.

Petak, 17. januar

Sređujem utiske

Kraj je radne sedmice, jedne od najznačajnijih u mom profesionalnom životu. Sjedim u Biblioteci, sređujem utiske i razmišljam. Uz veliko olakšanje i zadovoljstvo što je svečanost protekla u najboljem redu prisjećam se i nekih događaja koji su se desili tokom mog višedecenijskog služenja Biblioteci.

Sjetih se i jedne rečenice moga kolege Osmana Lavića, kada mi davne 1987. ili 1988. godine otprilike veli: „Da u mandatu direktora izgradiš samo novu zgradu Biblioteke, bit će dovoljno.“

Ni pomisliti tada nisam mogao da ču tako dugo obnašati dužnost direktora Biblioteke i da će se nova zgrada Biblioteke početi graditi i završiti u tom vremenu.

Sjetih se i perioda 1992.-1995. godine kada su nam životi, ne samo moj i drugih Bosanaca i Hercegovaca, nego i Biblioteke bili u opasnosti i zbog toga me obuze poseban osjećaj tuge i straha pa na trenutak pomislih: „Bože, dragi! Kako bi izgledao ovaj današnji dan da je Biblioteka doživjela sudbinu Narodne i univerzitetske biblioteke ili Orijentalnog instituta?“

Da li bi bilo ove zgrade i, naravno, ovako veličanstvene svečanosti? Ali, činjenica da smo na kraju preživjeli sve te strahote i da se sada nalazimo u novoj modernoj zgradbi, vrati mi osjećaj radosti i ponosa. Zato hvala dragome Bogu na životu koji nam je produžio, a hvala i Državi Katar na ovako lijepom, velikom i vrijednom daru.

Cetvrtak, 16. januar

Čestitke i saradnja

Iako prilično umoran, ali radostan i ponasan dolazim na posao. Obilazim Biblioteku i s kolegicama i kolegama izmjenjujem utiske. Na svima njima se također osjeća,